

Etika për fëmijë

Dhurata e përmuajtshme, nga revista "Etika"

Viti 2 - Numri 17 - Maj 2012

E MIRA
nuk humbet kurrë...



DASHURIA PËR ATDHEUN BURON NGA BESIMI

MUSTAFA JAZGAN

Fëmijë të dashur! Të gjithëve ju dua dhe ju përqafoj fooort, fort!


Për sa kohë që Allahu na lan shpirtin tonë me vlera të tilla, si dashuria për atdheun dhe për fenë tonë të bukur Islamin; fshihen të gjithë mërzitë, shqetësimet dhe dëshpërimet. Unë ndihem krenar me ju! Mos harroni: në shtëpitë tuaja duhet të hyjë dashuria për atdheun! Ndaj, prindërit e gjyshërit e kanë për detyrë që të ushqejnë zemrat tuaja me këtë dashuri të shtrenjtë. Kështu, dita-ditës rritet shtati juaj, kështu dita-ditës rritet dashuria për Atdheun. Por mos harroni të dashur fëmijë, në radhë të parë duhet t'i jeni mirënjohës përjetësisht Zotit të Madhëruar.

Ndoshta nuk e dini, ja, tani do t'u tregojmë: që tani, në ballin e tuaj ndrijnë shenjat e sexhdes. Dhe është bukur!.. Ndoshta nuk e dini, ja, tani do t'u tregojmë: zemrat tuaja mbartin dashuri për vlerat kombëtare, siç janë:

Atdheu, Flamuri e Himni.
Ndosh-

ta nuk e dini, ja, tani do t'u tregojmë: duhet të jeni të dhënë pas librit, pas diturisë; të jeni të drejtë, trima dhe të vendosur. Kështu do të çoni përpara atdheun tuaj të dashur... Dhe, Atdheu do të krenohet me ju! Ndoshta nuk e dini, ja, tani do t'u tregojmë: kështu Atdheu nuk plaket kurrë! Është ky atdhe që Zoti e ka bërë kaq të bukur: me bjeshkë të bukura e male të larta, me fusha të gjera dhe të begata, me lumenj të kulluar dhe dete të kaltra... Vërtet, një Atdhe për t'u pasur zili, për bukurinë që i ka dhënë Zotit!

Ju jeni të zotët e kësaj toke, të dashur fëmijë... Ju do të vazhdoni t'ia ushqeni edhe brezave të tjerë dashurinë për atdheun! Se kështu janë brezat, i lënë njëri-tjetrit shumë amanete. Sa më shumë të jeni të lidhur me fenë e bukur Islame, aq më shumë do ju shtohen edhe ndjenjat si: mëshira, dashuria, besnikëria etj., sepse do të kuptoni që **DASHURIA PËR ATDHEUN BURON NGA BESIMI**. Zbatojeni me devocion këtë këshillë!..





Historia e mjeshtrit plak

Një marangoz plak po bëhej gati të dilte në pension. Kishte punuar vite të tëra në një mobiliери. Me duart e tij të arta kishte nderuar veten dhe i kishte dhënë famë mobilerisë. I lodhur nga puna shumëvjeçare vendosi të kërkojë nga shefi i tij daljen në pension. Pronari i mobilerisë pranoi të firmoste dokumentet e pensionit, por kërkoj një nder të fundit nga marangozi plak.

- Ju lutem, si nder personal, më mobiloni shtëpinë e fundit. - i tha shefi.

Marangozi plak mendoi për pak çaste, pastaj tha:

- Po mirë atëherë, po ua bëj këtë nder...

Mjeshtri i madh filloi punën në shtëpinë e re, por kësaj here, marangozi nuk ishte i përkushtuar. Qëllimi i tij ishte të përfundonte punën sa më shpejt, pa përgjegjësi dhe pa mjeshtëri. Duke përdorur materiale jo cilësore dhe me një fantazi çasti në mobilimin e shtëpisë, mjeshtri dorëzoi punën e fundit. Për fat të keq e mbylli karrierën e tij me një punë të dobët dhe të keqe.

Shefi i mobilerisë sapo u informua me përfundimin e punës, ftoi mjeshttrin plak në një darkë dhe i dorëzoi atij dokumentet e firmosura të bashkangjitura me një kuti të vogël.

- Po kjo kuti ç'është? – pyeti mjeshtri.

- Hapeni – iu përgjigj shefi – aty keni çelësat e shtëpisë. Shtëpia e re e mobiluar është një dhuratë për ju, si shpërblim i gjithë asaj pune madhështore, me të cilën, keni nderuar dhe afirmuar biznesin tonë.

Mjeshtri plak mbeti i dëshpëruar dhe i zhgënjyer ... sa turp. Ah, sikur ta dija se po e mobiloja për veten time, do punoja ndryshe!

Kështu fëmijë të dashur edhe ne ndërtojmë jetën tonë, çdo ditë, çdo muaj, çdo vit. Punoni me përkushtim në çdo çast të jetës suaj. Punoni me sinqeritet që të shijoni jetën me faqe të bardhë.

Përgatiti: Gilman Kazazi

**Etika
për fëmijë**

Drejtor
& Kryeredaktor:
Alban Kali
albankali@yahoo.com
+355 69 24 23 989

Redaktor:
Xhahid Bushati
xhahidbushati@yahoo.com
+355 69 28 20 975

Redaktore gjuhësore:
Ma. Irida Hoti
Përkthyes:
Artur Tagani
Fatmir Sulaj
Ilir Hoxha

Dizajn - Grafik:
Bledar Xama
bledar_xama@hotmail.com

Adresa: L: Vasil Shanto - Rr: Çajupi - Shkodër - Albania / Tel: +355 22 254 634 / Fax: +355 22 254 633
Zyra e përfaqësimit Maqedoni: Rr: Stiv Naumov - Nr. 9 - lokal 25 - Shkup - Maqedoni / Tel: +389 71 956 271
Zyra e përfaqësimit Kosovë: Rr: Ardian Zurnaxhiu - pn. Ralin - Prizren - Kosovë / Tel: +381 29 222 795

UDHËTIMI I BALONËS

1.

Ngjitet një balonë,
lart në qiell ngjitet,
një zog do të kapë,
ngjitet dhe s'i pritet...

Sapo e sheh zogu,
qesh dhe flatrat hap...
Afrohet e, balonën,
hop, me sqep e kap!

Nisin fluturimin...
Balona çuditet...
-Sa i bukur qielli!
ngjitet dhe s'i pritet...

E zogut të vogël
nuk i pushon kënga,
ndërsa kjo balona
jeton nëpër ëndrra!

2.

Ngjitet një balonë,
lart në qiell ngjitet,
diellin do të kapë,
ngjitet dhe s'i pritet...

Dielli është larg,
larg ka dhe shtëpinë,
duhen vite, shekuj...,
prapë nuk e arrin...

Dielli nis një rreze,
rrezja e "prek" lehtë,
ngjitet lart balona
do të kap dhe retë.

3.

Dhe kthehet balona,
sepse e pret nëna.
-E di, nënë? Në qiell
pashë një mijë ëndrra!

ZOGU I VOGËL

Ra nga pema,
zogë qan...
Syri lotin
nuk ia mban...

“Kush më çon
lart në folezë?”
Zogë qan,
loti-rrëkezë.

Loti ecën...,
po ku shkon?
Te një sy
ai ndalon...

Dhe kur nëna
pranë i erdhi,
lot gëzimi
zogë derdhi...

Buka



Ishte një ditë e ftohtë dimri.

Hasani kishte blerë bukën në furrë e po kthehej në shtëpi. Në rrugë pa një qen shumë të dobët, i cili rënkonte gati me përgjërime duke parë bukën në shportë.

Gjendja e kafshës së gjorë e preku në zemër Hasanin. Ai tha me vete: “Nëse ia jap njëren prej bukëve qenit, do të më bërtasë nëna”. Pastaj, duke marrë parasysh çdo gjë, e la shportën mbi borë dhe filloi ta copëtonte njëren nga bukët për qenin.

Një burrë, që po vinte nga furra, i kishte dëgjuar fjalët e Hasanit dhe njëren prej bukëve të tij, ia vendosi në shportë.

Kur Hasani arriti në shtëpi, pa i habitur se bukët në shportë nuk ishin pakësuar.

Sikur Hasani ta dinte këtë hadith fisnik të Pejgamberit tonë (a.s.), do ta kuptonte atë që i ndodhi:

“Sadakaja nuk e pakëson pasurinë.” (Muslim)



Raketa e jashtëzakonshme

Na ishin një herë disa pyje. Në këto pyje jetonin plot kafshë. Pyjet dhe kafshët flisnin dhe merreshin vesh me tjeri - tjetrin.

Një ditë, kafshët e këtyre pyjeve u mblodhën e diskutuan... E çfarë diskutuan se...? Kafshët kishin vënë re se, disa lëviznin sa andej-këtej për të gjetur ushqime, ndërsa disa të tjera rrinin gjithë ditën në strofkullat e tyre. Eh, dembelet!..

Diskutuan sa diskutuan, dhe më në fund arritën që të gjitha kafshët e çdo pylli të merrnin pjesë në një garë. Dhe gara ishte se, kush do ta bënte raketën më të madhe e më të fuqishme.

Raketa që do bënin ishte e çuditshme. Dhe çudia e saj qëndronte në... Më mirë s'po e themi se zbulojmë sekretin e saj...

Në të gjitha pyjet kafshët punonin pa pushim. Me ditë të tëra. Kishte kafshë që s'vinin edhe gjumë në sy. Ata punonin për të bërë raketën e tyre, pra për të bërë fishekzjarrin më të madh. Besoj e kuptuat, se ku ishte sekretin e raketës, që do të bënin kafshët në pyjet, ku banonin.

Por ç'na ndodhi se... Ca kafshë na ishin dembele. Jo vetëm që nuk donin të punonin, por nuk donin t'i fusnin edhe barut. Por... planin e dembeleve e kishte dëgjuar Drejtuesja e pyllit të tyre, i cili ishte një Pyll

i Vogël. Kështu quhej ai... Ajo... drejtuesja... Më mirë të vazhdojmë sekretin e mëtejshëm të raketës dhe të ngjarjes.

Më në fund erdhi dita, kur do të përzgjidhej raketa. Të gjithë kafshët e shumta që ishin të pranishme, u çuditën dhe u mahnitën nga raketa e Pyllit të Vogël. Edhe pse i vogël si pyll, kishte bërë raketën më të madhe.

Kur Pyllit të Vogël dhe banorëve të saj ishte duke i buzëqeshur fitorja, Drejtuesja e këtij pylli, diç i tha në vesh Kryetarit të Jurisë, që ishte një Arush i mençur, i ditur dhe babaxhan.

Ai zgjati putrën ngjyrë kafe dhe foli me një zë të trashë:

- Ky Pyll nuk e meriton fitoren. Ai që sot e tutje do të quhet: **Pylli i Gënjeshtarëve**.

Ndërsa fitoren e vërtetë e meriton Pylli i Madh Gjelbërosh. Le ta nisë raketa udhëtimin e saj!..

Raketa u nis dhe shpërndau mijëra e mijëra fishekzjarre. Ngjyrat e tyre ndriçuan dhe zbukuruan të gjitha pyjet, vetëm Pyllin e Vogël, jo. Sepse edhe drita e fishekzjarrëve po u jepte një mësim kafshëve të këtij pylli. Ajo u thoshte: **"Të mos gënjeshterni, se me gënjeshtër nuk fitohet asgjë."**



Behlul
Bera

Një mësim nga mësimet e Hadithit

- pjesa e tretë -

Samiu i vogël në mbrëmje bashkë me familjen e tij bënë 45 minuta mësim hadithi. Ata përpqeshin t'i komentnin ngjarjet e ditës nën dritën e haditheve, që kishin lexuar. Samiu i vogël përfitonte shumë nga këto mësimet dhe në jetën e përditshme përpqej të vepronte ashtu siç ka porositur i Dërguari i Allahut (a.s.).



RA ZILJA E MËSIMIT. SAMIU I VOGËL ISHTE GATI PËR MËSIM DHE PO PRISTE MËSUES HASANIN QË TË VINTE.



BEFASISHT NË KLASË HYRI NËNDREJTORESHË LEJLAJA.



Fëmijë të dashur, mësuesi juaj, Hasani është sëmurë. Sot do ta bëjmë mësimin së bashku.



Çfarë ka mësuesi?

Më duket se infeksion gripal. Inshallah shërohet sa më shpejt!



SAMIU I VOGËL U MËRZIT SHUMË!
MËSUESI E DONTË SHUMË ATË. EDHE AI
E DONTË SHUMË MËSUESIN E TIJ.

Inshallah
shërohet
shpejt!.

KUR NË MBRËMJE SHKOI PËR TË FJETUR
NË SHTRAT, U LUT EDHE PËR MËSUESIN.

O Allah!
Shëroje sa më shpejt
mësuesin! Amin!

TË NESËRMEN MËSUESI NUK ERDHI PËRSËRI.
DOMETHËNË, NUK QENKA SHËRUAR AKOMA...

Vallë,
si është
mësuesi?

SAMIU I VOGËL ATË DITË E
DËGJOI MËSIMIN NË HESHTJE,
EDHE PSE ISHTE NJË NXËNËS
SHUMË AKTIV. AI VAZHDIMISHT
I BËNTE PYETJE MËSUESIT.

DOLI NGA SHKOLLA DHE SHKOI NË SHTËPI, KU GJETI BABAIN. AI E PA SAMIUN TË MËRZITUR, U BË MERAK PËR TË, DHE E PYETI:



Çfarë të ka ndodhur biri im!

SAMIU I VOGËL I TREGOI SE MËSUES HASANI ISHTE SËMURË. NË TË NJËJTËN KOHË I SHPREHU EDHE MËRZINË QË NDJENTE PËR TË.



Babi, po sikur mësuesi të jetë shumë sëmure? Ai u mërziste shumë, kur unë isha sëmure.

Mos u shqetëso qaq shumë bir. Inshallah shërohet shpejt! Kur të dalësh prej mësimit nesër, po deshe shko dhe vizitoje.



Siç e di edhe ti, i Dërguari i Allahut (s.a.s.), ka thënë:



"Myslimani ka pesë detyra ndaj myslimanit: T'i marrë selamin, ta vizitojë kur të sëmuret, t'i shkojë në xhenaze, t'i përgjigjet ftesës dhe t'i thotë jerhamukallah kur të teshtijë e të thotë elhamdulillah."

Hadith Fisnik

TË NESËRMEN SAMIU I VOGËL I MBLODHI SHOKËT DHE U THA SE SOT DO TË SHKONTE TË VIZITONTE MËSUESIN. TË GJITHË DËSHIRONIN TË SHKONIN PËR VIZITË.



Nëse shkojmë të gjithë bashkë, mund ta shqetësojmë mësuesin.

Unë kam një mendim...

TRE VETA TË PËRFAQËSOJNË KLASËN.
KUR MËSIMI MBAROI, TRE NXËNËSIT U NISËN DREJT
SHTËPISË SË MËSUESIT.



DERËN UA HAPI
BASHKËSHORTJA E
MËSUES HASANIT,
ZONJA ZEHRA.



Mirë se
erdhët fëmijë!
Urdhëroni!



MËSUES HASANI U GËZUA SHUMË QË I ERDHËN
NXËNËSIT. SA SHUMË E KISHTE MARRË MALLI PËR
TA! TË GJITHË I PYETI NJË NGA NJË.

PAS DISA DITËSH MËSUES HASANI ERDHI NË SHKOLLË.
VIZITA E NXËNËSVE, U BË SHKAK QË TË SHËROHEJ MË
SHPEJT. MALLI QË KISHTE PËR TA, E BËRI QË TË KUJDESEJ
MË SHUMË PËR VETEN.



Si jeni nxënësit
e mi të dashur?



"Ata që u mësojnë
dijen të tjerëve,
janë trashëgimtarët
e peygamberëve."

Hadith Fisnik

SULTANI DHE PLAKU QË MBILLTE PEMË

Enes Ufuk

Sulltani ndërroi rrobat për të mos u njohur. Së bashku me vezirët e tij doli të shëtiste. Ecën sa ecën dhe arritën në një fshat. Në një nga bahçet që ndodheshin në buzë të rrugës, vunë re një plak të moshuar, që po mbillte fidanë. Afrohen tek ai.

- Selamun alejkum! Allahu ta lehtësoftë punën!

- Ue alejkum selaaaam! Mirëserdhët zotërinj! Nga keni ardhur dhe

për ku po shkoni?

- Kemi dalë të shëtisim për qejf dhe na ra rruga këtej nga fshati juaj. Me çfarë po merreni? - e pyeti Sulltani.

- Po mbjell fidanë. Siç e dini, ka ardhur koha e mbjelljes..., - u përgjigj plaku.

- Që po mbillni fidanë e shoh, por ju jeni shumë i moshuar. Kur do t'i japë frutat kjo pemë që ju të përfitoni prej saj?!..



- Gjyshërit tanë mbollën pemë në kohën e tyre, ndërsa frutat e tyre po i hamë ne. Tani do të mbjellim ne, që të hanë nipërit tanë.

- Jepini një qese me florinj! – u tha Sulltani shoqëruesve të tij.

Vezirët nxorën një qese me florinj dhe ia dhanë plakut. Ai i falënderoi.

- E shikon zotëri... pema filloi t'i japë frutat e saj..., - tha plaku e buzëqeshi lehtë.

- Qenkeni plak i urtë dhe fjalët i thoke me mend dhe të ëmbla.

- Jepini edhe një qese me florinj! – u tha Sulltani shoqëruesve të tij.

Vezirët nxorën një qese me florinj dhe ia dhanë plakut. Ai i falënderoi përsëri.

- Zotëri paskeni ardhur me këmbë të mbarë! Shikoni, pema që mbolla filloi të japë fruta dy herë në vit.

Sulltani kthehet nga vezirët e tij dhe u thotë:

- Ecni, jepuni kuajve! Nëse qëndrojmë edhe pak pranë këtij plakut, nuk do të na mbetet më asnjë kacidhe.

Sulltani me vezirët e tij u larguan. Plaku i urtë priti sa i erdhën fëmi-

jët.

- Bijtë e mi! Profeti ynë i dashur (a.s.), ka thënë: “Mbllni fidanë edhe sikur ta shihni se po bëhet kijameti”. E shikoni se sa begati kanë fjalët e tij!? Ai është Muhamedi (a.s.). Emër i bukur, vetë i bukur dhe fjalët i ka të bukura.

Pasi e rregulloi mirë e mirë tokën rreth një fidani, tha:

- Salavaaaaat për Profetin (a.s.)!

Ndërsa vetë filloi të pëshpëriste: “Allahumme sal-li ala sej-jidina Muhammedin ue ala ali sej-jidina Muhammed!”



Të njohim miqtë tanë, kafshët



Ada Mara

BLETA

Vogëlushe krahëartë,
Del nga zgjoi që me natë.
Bredh ndër lule, lodhje s'ndjen,

Thith nektar e mbledh polen.
Çdo ditë hojet mbush me mjaltë
Të gostisë kalamajtë!





Çfarë? Përse? Si?

Zehra Aksoj

PËRSE FISHKËLLEN TENXHEREJA ME PRESION?

Tenxhereja me presion punon duke përfitur nga fuqia e presionit të avullit për t'i zier ushqimet shpejt dhe në temperaturë të lartë. Mbyllja e saj hermetike, e ul shumë kohën e zierjes së tyre. Presioni brenda në të shtohet sipas gradës së vlimit të ujit. Tenxheres me presion i është bërë një vrimë për të kuptuar se po zien. Kur zien uji, ajri del nga kjo vrimë, e cila ka dhe një funksion tjetër atë të masës mbrojtëse kundër rrezikut të plasjes së tenxheres me presion. Kjo vrimë mund të kurdiset sipas gradës së zierjes. Kur rritet presioni, vrima nxjerr ajër dhe në këtë mënyrë ndalohet plasja e tenxheres. Kur del ajri, formohet dridhja me zë, ndaj dhe quhet ndryshe tenxherja që fishkëllen.



ÇFARË ËSHTË SHEQERI ESMER?

Sheqeri esmer bëhet duke përzier kallamin e sheqerit me një sasi sheqeri të kristaltë që ka kaluar fazat e para dhe ka arritur pastërtinë e ushqimit. Për shkak se ka një ngjyrë si të errët, quhet “sheqer esmer” ose “sheqer ngjyrkafë”.

CILI NGRIN MË PARË, UJI I FTOHTË APO I NGROHTË?

Le të vendosim në një frigorifer dy gota të mbushura me ujë. Njëra ka ujë të ftohtë dhe tjetra ujë të ngrohtë ambientit. Do të shikojmë se gota me ujë të ngrohtë do të ngrijë më shpejt. Shkaku i kësaj është se uji i ngrohtë avullon më shpejt. Në këtë mënyrë pakësohet sasia e ujit. Uji i ngrohtë, kur bie në kontakt me temperaturën e ulët, humbet masën si rezultat i avullimit të shpejtë, dhe kështu... ngrin më shpejt.



E MIRA NUK HUMBET KURRË...

Bejzanur Demirxhi

Blerta ishte fëmijë i vetëm. Prindërit e kishin llastuar shumë. Gjithçka që ajo dëshironte, i realizohej menjëherë. Por Blerta kishte edhe disa huge. Lodrat dhe ushqimet nuk i ndante me njeri. Mendonte vetëm për veten. Gjithnjë jepte urdhra për të tjerët...

Erdhi një ditë që askush nuk e duroi Blertën. Askush nuk luante më me të. Tani Blerta ishte e vetme si në shkollë ashtu edhe në lagje. Kjo u ra në sy edhe prindërve, por pas disa ditësh. Ata e kuptuan se ku kishin gabuar, por tashmë ishte shumë vonë...

Ditët kalonin një nga një. Papritur në klasën e Blertës erdhi një nxënëse e re me emrin Genta. Ajo ishte një vajzë shumë e turpshme dhe e pafjalë.

"Ato çfarë nuk arrij ta bëj përmes shoqeve të tjera, do e bëj lehtësisht përmes kësaj vajze të turpshme" -

thoshte Blerta me veten e saj.

Një ditë prej ditësh, mësuesja ngri-ti në tabelë Gentën. Edhe pse pyetja ishte e thjeshtë, ajo nuk diti të përgjigjej. U turpërua më shumë, kur në klasë shpërthyen të qeshura, që asaj iu dukën të pafund. Genta nuk arriti të përmbahej, nisi të qante me ngashërim.

Ngjarjen e ndodhur në klasë, Blerta ia tregoi së ëmës, në darkë. Nëna e Blertës u mërzi shumë, dhe i tha së bijës:

-Përse nuk e ndihmon Gentën në mësimet?

-Më vjen keq, nënë, por nuk mund ta ndaj kohën time për atë vajzë...

- Ajo është shoqja jote. Po s'e ndihmove ti, kush do ta ndihmojë atë?

-...



- Atëherë, bija ime, më dëgjo këtë që po të tregoj: "Një milingonë kishte rënë në ujë dhe gati po mbytej. Një harabel e vuri re këtë gjë, këputi një gjethe dhe ia hodhi milingonës. Milingona hipi mbi gjethe dhe shpëtoi... Kaluan disa ditë. Harabeli po flinte, kur një gjahtar e pa, dhe po i afrohej ngadalë-ngadalë... Donte ta kapte. Milingona e kuptoi rrezikun dhe e pickoi në këmbë gjahtarin me gjithë fuqinë që kishte. Gjahtari bërtiti me të madhe, harabeli u zgjua dhe fluturoi menjëherë. Kështu, pra, bija ime: e mira nuk humbet kurrë. Me kalimin e kohës sërish të kthehet ty."

- Kjo është vetëm një përrallë që u thuhet fëmijëve të vegjël, nënë, - i tha Blerta. Ti nuk e shikon, që tashmë jam rritur!

- Blertë, bija ime! Genta ka nevojë për ty. Kështu, në qoftë se nuk e ndihmon, për një javë nuk do të shikosh filma vizatimorë.

- Jo, nënë, jo..!

- Po, bijë...

- Ti e di, që unë s'mund të rri pa to...

- Edhe Genta s'mund të rrijë pa ty... Ajo kërkon ndihmë...

Blerta u mendua dhe i tha: "Po, do ta ndihmoj Gentën!"

Nëna buzëqeshi.

Kështu nisën ditët, kur dy shoqet ishin më pranë se kurrë. Një shpjegim i thjeshtë i Blertës dhe Genta nisi të mësonte më shumë, të çelej më shumë. Sikur... turpi dalëngadalë po i largohej nga fytyra. Në klasë, Genta filloi të përgjigjej më shpesh. Dhe nisën për Gentën fjalët "Të lumtë!" - nga më-

suesja.

Tashmë Genta ndihej mirë, në sajë të ndihmës së dhënë nga Blerta. Blerta për Gentën ishte një mikeshë mjaft e mirë. Kurse për Blertën nuk ishte kështu. Ajo vazhdonte të bënte rolin e vajzës së llastuar, sepse kjo e mirë që i kishte bërë Gentës ishte vetëm, pse ajo ishte detyruar...

Kaluan ditë... Në hyrje të korridorit të shkollës Blerta u grind me një nxënëse më të vogël se vetja. I tha asaj shumë fjalë të rënda e fyese. Të gjithë në shkollë e morën vesh. Mësuesja kujdestare vendosi që Blerta të bënte e

vetme pastrimin e klasës. Ra dhe zilja e mësimit të fundit, e të gjithë fëmijët ikën në shtëpi. Blerta mbeti e vetme. Nisi të qante me dënësë. Qante e qante..., sa thuajse po i shterrnin lotët.

Ndërkohë që po mendonte se si mund ta pastronte vetëm gjithë atë klasë, hyri papritur Genta.

- Po, ti?!

- Erdha, të të ndihmoj! Je shoqja ime! Nuk mund të të braktis dot...!

Blerta u prek shumë nga veprimi i Gentës. Menjëherë iu kujtua përralla e harabelit me milingonën që i kishte treguar disa ditë më parë e ëma. Kujtoi fjalët e saj: "Të mirat nuk shkojnë kot".

- Genta, të faleminderit!.. Që sot nuk do të jem një vajzë e llastuar. Të premtoj do të jem ndryshe...

Gentës i ndritën sytë nga gëzimi dhe vrapoi ta përqafonte me dashuri Blertën, për fjalët që tha.





MENDO PAK... E BUZËQESH

Abdullah Thaçi

Nga toka drejt
qiellit shket,
Cakun ka në
tjetër planet?

anija kozmike

I ati
- tepër gjembaç,
E bija me erë
të kënaq?

tëndafili

Ç'hapësirë
pllakos mes nesh,
E ne flasim
vesh më vesh?

telefoni

E ftohtë,
e ëmbël, e mirë,
Verës e lëpijmë
me dëshirë?

akullorja

Skënder Zogaj

E PYETA

E pyeta:

- E do nënën
Apo hënën?
Çupa buzëqeshi
E shikoi hënën,
Hapi ngadalë krahët
Përqafoi nënën.

E pyeta:

E do mollën
Apo shkollën?
Çupa në çast
Motrës së vogël
la dhuroi mollën
Dhe mësyu shkollën.

Ibrahim Kadriu

DIALOG

- Ç'i duhet hundës vrima?
- Mos me futë gishtin;
- Pse krenohet shpina?
- Që s'e ka bishtin.
- Ç'bën këmba e djathtë?
- Tërheq t'majtën pas...
- Cila është më e ngathtë?
- Ajo që mbetet mbas...

- Përse goja duhet?
- Për të ngrënë fli...
- E shpina pse kruhet?
- Veç për kënaqësi...

Nastradin Hoxha

Gruaja paska bërë ëmbëlsirë...
Pa ta provoj njëherë!..



Hoxhë efendi paske ngrënë
gjysmën e tepsisë. gjysmën tjetër
lëre për nesër!..



MESI I NATËS

E ku më zë gjumi mua.
kur ëmbëlsira rri aty?..



Nga kuzhina
po vijnë zëra.



Hoxhë efendi nuk
munde të prisje deri
nesër?

Hmm!



Lëre mos më pyet. moj grua.
Ëmbëlsira më nxori gjumin. e unë
po ia tregoj qejfin tani...





ZBAVITJE



Sudoku

	2				7		1	4
	8			4	6		2	
4		9				7		
			8					1
8		1	4	7		2		
2		5			9		3	7
	3				1	4		
	7		2	9				3
1	5					9		2

Plotësoni vendet bosh
të figurës
me alternativat
që janë dhënë.



Plotësoni çdo rresht, kolonë dhe kutizë,
në mënyrë që, çdo shifër nga 1 deri te 9,
të shfaqet një dhe vetëm një herë.

Katrori i zgjuarsisë

Nëse i vendosni numrat e mëposhtëm
nga e majta në të djathtë dhe nga
sipër poshtë do të përftoni shumën 36.



	8		
18			8
		5	15
	15	7	

3, 4, 16, 10, 9, 11, 2, 5, 8



- a) b) c) ç) d) e) f) g) h) i) j)

Gjeni 7 ndryshimet



Labirint

Dhelpra
dëshiron të
marrë djathin
nga korbi,
por nuk di se
cilën rrugë të
zgjedhë.
A mund ta
ndihmosh?









Erldhi një mik i ri!
Ju fton
miqësinë e tij...



- Tak, tak, tak!
Shkurti troket...



Lexo...



Sa shumë të
o Profeti ynë i



pyll, në piknik
gjyshin.



Sbkollë,
mirupafshim,
du të vijmë prapë si lule!



Vera i merr me vete,
Fëmijët në male e dete!



MIRË
RAM



TË GJEJMË
DASHURI!



Të jesh mik i mjedisit
është virtyt!
Eja, fitoje edhe ti!..



Kush dhuron, fal dashuri,
s'behet vonë, kurrë, o fëmijë!



Dëbora është
Mirë s